

Nā Nīnau Pinepine no ka Hō'ike Kēpau a me ke Keleawe'ula

- No ke aha he mea nui ke ana 90 pakeneka no ka Lula no ke Kēpau a me ke Keleawe'ula?
'O ke ana 90 pakeneka o ka Lula Ho'oponopono 'ia no ke Kēpau a me ke Keleawe'ula, 'o ia ka mea nānā 'ia no ke ana 'ana i ke kūlana ma'ema'e o ka wai a pēlā e hō'oiā'ī'o ai i ka ho'okō 'ia o nā ana ho'omalū. Pēlā e 'ike 'ia ai ka nui o ke kēpau a i 'ole ke keleawe'ula o loko o ka wai inu he 10% ka nui aku o ke kēpau ke ho'ohālike 'ia me nā helu wahi i ho'ā'o 'ia.
- Loa'a nō nā lā i ho'opa'a 'ia i ho'olālā 'ia e ka 'Oihana Wai no ka ho'ā'o 'ana i ka wai i kēlā kēia makahiki?
Ua koi 'ia ma lalo o ka lula ho'oponopono 'ia no ke kēpau a me ke keleawe'ula e ho'ā'o 'ia ke kūlana ma'ema'e o ka wai i kēlā kēia 'eono mahina e ho'omaka ana i ka lā 1 o Ianuali a i 'ole ka lā 1 o Iulai. A hala kēia wā, e ho'ēmi hou 'ia mai paha ka pinepine o ka wā ho'ā'o he 'ekolu manawa o ka makahiki e ho'okō mau 'ia ai ka lula no ke kūlana ma'ema'e o ka wai a no ka 'āpono 'ana o ka 'oihana nāna e ho'omalū.
- I ka wā hea e ho'olaha 'ia ai ka hō'ike o ka ho'ā'o 'ana ma hope o ka ho'ā'o 'ana a ka 'Oihana Wai?
Ma lalo o ka Lula Ho'oponopono 'ia no ke Kēpau a me ke Keleawe'ula, ua koi 'ia e ho'olaha 'ia ka hō'ike ma loko o 60 mau lā ma hope o ka hala 'ana o ka wā ho'ā'o. E helu 'ia nā hō'ike ma ke ka'ina o nā lā ho'ā'o.
- No ke aha e helu 'ole 'ia ai nā hō'ike ma ke ka'ina pī'āpā o ka inoa alanui?
Ua koi 'ia ma lalo o ka lula e helu 'ia nā hō'ike ma ke ka'ina li'ilī'i ā nui, 'o ka huina li'ilī'i loa o ke kēpau ā hiki i ka huina nui loa. E ho'opa'a 'ia he helu no kēlā kēia hō'ike ho'ā'o, a pī'i ma ka helu ho'okahi a'e, ho'omaka ma ka 1 no ka ho'ā'o 'ana i li'ilī'i loa ka huina mea haumia o loko. E like ka helu i ho'opa'a 'ia me ka ho'ā'o 'ana i nui loa ka huina mea haumia o loko, a e like nō ia me ka huina o nā ho'ā'o 'ana a pau.
- 'A'ole helu 'ia ko'u alanui. 'O wai ka'u mea e kelepona aku ai?
Ua koho 'ia nā wahi e ho'ā'o ai ma muli o nā hō'ike no ka 'oihana paipu ho'okahe wai, a he ho'ohālike nō ia no ka 'āpana 'āina i hana 'ia ai ka ho'ā'o 'ana. He nui loa nō nā helu wahi ma ka mokupuni e ho'ā'o ai a he nui nō nā helu wahi i hiki ke nānā 'ia i kumu ho'ohālike no ka 'āpana o ia helu wahi. 'O ia ke kumu e koho 'ia ai kekahi mau helu wahi a he minamina nō paha ke koho 'ole 'ia o kekahi helu wahi.

Ke loa'a ka nīnau, e kūkā me Ian Arakaki o ka hui The Limtiaco Consulting Group ma ka helu kelepona 808-596-7790.

- Hō'ike 'ia ma ka palapala hō'ike nā helu wahi i ho'ā'o 'ia ma kekahi mau alanui. Pehea wau e 'ike ai i ka ho'ā'o 'ana i kokoke loa mai ia'u?
Ua koho 'ia nā helu wahi e ho'ā'o ai ma muli o ka hō'ike no ka 'oihana paipu ho'okahe wai a he kumu ho'ohālike nō ia no ka 'āpana i ho'ā'o 'ia. He lō'ihi nō kekahi mau alanui a he mau helu wahi nō e ho'ā'o ai ma ke alanui ho'okahi nō. Ke huli a loa'a kekahi o kēia mau helu wahi e ho'ā'o ai ma ka palapala'āina, pēlā wale nō e 'ike ai i kahi i ho'ā'o 'ia ai inā 'o ia kāu wahi e hoihoi ai.

Nā Ninau Pinepine no ka 'Oihana Paipu Ho'okahe Wai

- Ua huli aku au i kekahi helu wahi a he mau hō'ike nō i loa'a. No ke aha pēlā?
Loa'a 'elua a 'oi po'e kū'ai ma kekahi helu wahi ma lalo o ka 'oihana BWS, inā he hui i loa'a kā lākou mika wai no ka po'e ho'olimalima like 'ole, a he mika wai nō no ka mahina 'ai paha. Inā pēlā, hiki nō ke loa'a he mau hō'ike no ka helu wahi ho'okahi nō.
- Pehea ka pinepine o ka ho'oponopono 'ia o ka hō'ike no nā māhele like 'ole o ka 'oihana paipu ho'okahe wai?
Mana'o ka 'oihana BWS e ho'oponopono hou i ka hō'ike paipu ho'okahe wai i kēlā kēia makahiki.

Ho'oponopono 'ia: 06/21/2023